



Međunarodni sud za krivično gonjenje
lica odgovornih za teška kršenja
međunarodnog humanitarnog prava
počinjena na teritoriji bivše
Jugoslavije od 1991. godine

Predmet br. IT-95-8-S

Datum: 28. februar 2003.

Original: francuski

PRED PREDSJEDNIKOM MEĐUNARODNOG SUDA

Sudija: g. Claude Jorda, predsjednik Međunarodnog suda
Sekretar: g. Hans Holthuis, sekretar
Nalog od: 28. februara 2003.

**NALOG PREDSJEDNIKA O PRIJEVREMENOM PUŠTANJU
NA SLOBODU DAMIRA DOŠENA**

JA, Claude Jorda, predsjednik Međunarodnog suda za krivično gonjenje lica odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. (dalje u tekstu: Međunarodni sud),

IMAJUĆI U VIDU pismenu molbu za prijevremeno puštanje na slobodu Damira Došena koja je podnesena austrijskim vlastima 22. augusta 2002.,

IMAJUĆI U VIDU član 28. Statuta Međunarodnog suda, pravila 123 do 125 Pravilnika o postupku i dokazima (dalje u tekstu: Pravilnik) i Uputstvo za rad prilikom rješavanja po molbama za pomilovanje, ublažavanje kazne i prijevremeno puštanje na slobodu osoba koje je osudio Međunarodni sud (IT-146, 7. april 1999.) (dalje u tekstu: Uputstvo),

IMAJUĆI U VIDU presudu o kazni koju je Pretresno vijeće u predmetu br. IT-95-8-S, *Tužilac protiv Duška Sikirice, Damira Došena i Dragana Kolundžije*, izreklo 13. novembra 2001. (dalje u tekstu: presuda od 13. novembra 2001.), u kojoj je Damir Došen, rođen 7. aprila 1967., osuđen na kaznu od pet (5) godina zatvora (dalje u tekstu: kazna),

IMAJUĆI U VIDU sporazum između Savezne vlade Austrije i Ujedinjenih nacija o izvršenju kazni koje je izrekao Međunarodni sud, potpisan 23. jula 1999. (dalje u tekstu: sporazum),

BUDUĆI DA je, shodno nalogu od 25. januara 2002., u kojem se kao zemlja izdržavanja kazne određuje Austrija i kojim se sekretaru nalaže da preduzme sve mjere potrebne da se osigura izvršenje kazne, Damir Došen 10. maja 2002. predan austrijskim vlastima,

BUDUĆI DA Damir Došen, u skladu sa austrijskom zakonom, ispunjava uslove za prijevremeno puštanje na slobodu, te bi stoga mogao biti pušten na slobodu nakon 28. februara 2003.,

IMAJUĆI U VIDU povjerljiva pisma vršioca dužnosti šefa Ureda za pravnu pomoć i pitanja pritvora Međunarodnog suda od 22. novembra 2002. i 23. januara 2003., u skladu sa paragrafima 2 i 3 Uputstva u kojima se, između ostalog, predviđa da sekretar mora obavijestiti osuđenika o njegovom pravu na prijevremeno puštanje na slobodu,

IMAJUĆI U VIDU interne memorandume Tužilaštva od 29. novembra 2002. i 18. februara 2003. koji se odnose na saradnju koju je Damir Došen pružio Tužilaštvu (dalje u tekstu: interni memorandumi Tužilaštva),

IMAJUĆI U VIDU dokumentaciju o fizičkom i psihičkom zdravlju, te ponašanju Damira Došena tokom izdržavanja kazne u zatvoru Graz-Karlau koju su zatvorske vlasti dostavile preko Saveznog ministarstva pravosuđa 19. i 22. decembra 2002. (dalje u tekstu: dokumentacija zatvorskih vlasti),

IMAJUĆI U VIDU dopis Ambasade Austrije u Hagu od 18. oktobra 2002. u kojem se prenosi preporuka upravnika zatvora u Graz-Karlau za prijevremeno puštanje na slobodu Damira Došena,

IMAJUĆI U VIDU povjerljivi podnesak odbrane od 3. februara 2003. koji se odnosi na argumente koje je Damir Došen iznio u prilog svojoj molbi za prijevremeno puštanje na slobodu (dalje u tekstu: argumenti Damira Došena),

IMAJUĆI U VIDU da sam sa Damirom Došenom telefonski razgovarao 12. februara 2003., a na osnovu paragrafa 4 Uputstva (dalje u tekstu: telefonski razgovor),

IMAJUĆI U VIDU težinu krivičnog djela koje je počinio Damir Došen i postupak predviđen za osuđenike koji se nalaze u istoj situaciji,

UZIMAJUĆI U OBZIR da se Damir Došen potvrdno izjasnio o krivici,

BUDUĆI DA je Damir Došen prilikom potvrdnog izjašnjavanja o krivici 19. septembra 2001., zatim u pismu koje je 27. januara 2003. uputio Sekretarijatu, te u

toku telefonskog razgovora koji sam sa njim vodio, pokazao iskreno kajanje zbog svojih djela,

IMAJUĆI U VIDU da očigledna spremnost Damira Došena da saraduje sa Tužilaštvom, njegovo besprijekorno ponašanje u toku izdržavanja kazne, privrženost porodici, spremnost koju pokazuje da se iznova integrira u društvo, te mogućnost da po izlasku iz zatvora ponovo radi kod svog nekadašnjeg poslodavca, stvaraju dojam da bi se puštanjem Damira Došena na slobodu otvorile ohrabrujuće mogućnosti za njega,

BUDUĆI DA je time Damir Došen dokazao da se rehabilitirao u granicama postojećih mogućnosti,

RAZMOTRIVŠI interne memorandume tužioca, dokumentaciju zatvorskih vlasti, te argumente Damira Došena,

NAKON KONSULTACIJE, na osnovu paragrafa 5 Uputstva, sa članovima Kolegija i sudijama Pretresnog vijeća koje je izreklo presudu od 13. novembra 2001.,

BUDUĆI DA u sadašnjim okolnostima njegov boravak u zatvoru više nije neophodan,

U SKLADU SA pravilima 124 i 125 Pravilnika i paragrafom 7 Uputstva,

IZ TIH RAZLOGA

DONOSIM ODLUKU kojom usvajam molbu Damira Došena za puštanje na slobodu od 28. februara 2003.,

MOLIM sekretara da o ovoj odluci obavijesti Vladu Austrije

Sastavljeno na engleskom i francuskom, pri čemu je mjerodavna francuska verzija.

/potpis na originalu/

Claude Jorda,
predsjednik

Dana 28. februara 2003.
U Hagu
izozemska

[pečat Međunarodnog suda]

Prevod vjeran originalu
ICJY 05/03/03... ps.